



組徠集

附補遺詩

三十

護國遺稿全書大尾

服部文庫  
117  
724  
19





417  
724  
19

徂徠集卷之二十

物茂卿著

書牘三十一首

與寂仙上人

日昨辱蒙貴价來降。口述美意。申以盛貺。寵惠頻繁。不知攸謝。不佞辱知以來。垂二十年中。間疎逖。不能敬修尺牘。以達殷勤也。迨乎法旆東臨。亦不能躬造梵館。以覩儀範也。所謂跣弛乎禮法之教者。殆乎不知其孰為內也。外矣。而迺慈海之混洋乎。其罪之弗



問一之長者之車轍於陋巷一之降天之賜賁於弊廬。豈夫波瀾之廣覃。其固有之邪。雖然不佞何德以對。膺是盛貺也。雖然吾子輿氏之書有之曰。卻之爲不恭。不恭何義。以逡巡是美意也。故嚮已對賁。价勉強登嘉。今又不獲躬執謝敬。子墨之命。是重其臯也。是重其臯也。釗之其亦在慈海之滉洋也。耳穴中勿煩瓊瑤不備。

與香律師

父之親無所逃於天地之間。從父者從乎父者也。公之感焉中者可知矣。問候缺然罪也。何辭間者地。

遽動未審。舩鉢無恙否。是寧經中所謂堅牢神者。時出頭地中。爲公隨喜歟。彌勒佛此番托生。瓦學士家。何莫慮及此老也。公其呵之。淨菜聊助齋具。善鉢不宣。

又

別後不修一字鴻信。殊愧闊節。忽捧珍牘。乃審舊臘一路草鞋。亡恙走勢抵洛。倚錫有地。大恔遐望。新歲暄和。條風有徵。意彼是皆爾。和上日徜徉東山烟霞間。轉爲可羨哉。近街頗有麋竺之災。殆將罹焉。有幸以免者。二次遙謝洪庥。其它一如客歲所是。莫煩慈。



念三元彩毫一本敬領遠惠是雖么膺乎其於中原  
人才思過半矣不勝寥寥之嘆已另札中勸刻鄙撰  
數種是皆童蒙求我者我適莫有乎加損也然劖厥  
氏輩亦將曰童蒙求我者衆衆斯利市二倍則不啻  
益童蒙亦能益劖厥氏輩和尚濟物之慈敢不唯命  
是從叔達亡它未有寧處理俟面當致尊意不乙

又

本月十一日愚沙彌捧書至具悉師行履無恙可喜  
聞奧中緇白頗有嚮信者堪作暫住計也以師真望  
故當爾爾雖然亦以見其美俗哉承寄數種殊荷厚

意松島鹽竈圖未足當少文游轉羨錫飛自在耳壺  
碑似與羅山載小說中者稍不同意彼迺誤也八景  
詩不啻峽天目大氏吾東方好山水多爲惡詩辱亦  
不翅奧中者矣或待師一披拂歟不佞今夏頗勝暑  
但未得半畝宅可藏懶身者尚在市樓中作偷閒計  
也峽中紀行整理已完將鏤問世韓非子解亦成譯  
筌未就緒以故近來無它作不寄上保壽禪師承使  
愚沙彌致其意荷荷善當爲報聞耗草草布字此覆

答卓上人

雲牋飛墜潔指披誦茲審貴體安穩于茲暑之候



安在清涼。坐享極樂之福。誠可歆羨也。祇以真幹不蒙見臨。不佞亦有賤冗。且寬日期。還屬湊巧。少足相慰耳。佳詩二章。似有進步處。爲可喜也。還字入先韻者。誠如所喻。祇如旋旆榮旋等。皆是返旋之義。不若改作旋字。却可耳。納涼甚可人。三字覺佳。它非面晤。難得委悉也。佳酒美蔬。謹承寵錫。嗣當躬謝。

又

爾後杳乎動靜。深所渴望。忽捧手札。恍若天降。袈裟亡恙。深可欣慰。且審十八日韓客入都。而上人往觀。迺爲官家伍佰輩所擁碍。及夜得還。加以徒步泥濘。

中困憊委頓。遂致翌日小集。欠於見臨。不佞則不然。預已聞其路禁大嚴。觀者必星出月歸。竊自思惟病軀。何能任此勞苦。因茲斷念不復往觀。至於翌日。有鄰來至。談及茲事。與共暗笑。上人及芝諸君。狼狽者狀。而自誇得計也。今則果然果然。若二十二日寬會期。有鄰則竟不道及。想渠一時貪趁話興。因遂忘之耳。明日當趨藩外邸。取便奉訪。所喻敬聽命。華紙故佳。但僕既已買辦二百張許。藏在篋中。更多無益。敬謝煩尊慮。念及此瑣事。它在面晤。

又



寡老君遽然捐館。邦中府中。若喪考妣。若受倭者。職備顧問。從容趨陪。蓋亦尚矣。況在疾革。乃增廩祿。彌留之際。軫念所及。事倅遺命。謝恩未竟。五內忽裂。茲承棧教。弔慰轉倍。哀慟佳疏。數品併荷。慈貺感。謝曷盡。吉生喪事。知是何人。伏乞致意。蒙許不日並臨。寂寞之際。深所顛望也。冀借清譚。少紓衷腸。日前它適。欠報。敬茲奉謝。時下冷甚。萬以道候。清勝。草草不次。

又

茲接雲緘。兼惠霜菓。禪那餘念。忽及朽拙。一至此歎。春寒梵候。起居輕利。深堪倚賴。賤恙良已。亦只掩關。自嗇耳。明日之役。頗足支吾。未審諸君子能集否。蓮趾能臨。掃徑奉迎。此復。

又

承款之後。未輒展謝。二七之期。杳然不臨。正爾鬱陶。芳緘如面。深慰渴懷。愁霖悶人。祇上人眠食輕利。頗能應世。茲卽堪慰。且承明日之事。尊意以泥濘故。欲寬在它日也。不佞前日承喻之後。人僕乏使。及至昨日。方纔差書。岡生報知。而岡生它適。無答。切慮明日設霽。岡生未必涉濘。奔約則如之何。茲得尊喻。深以帖然。果如所命。則明日之會。當依舊在舍家處耳。若



行錄集 卷之一  
屬晴快。請賜降臨。佳詩漫奉藥石不乙。

又

昨日之游誠足稱樂哉。雖然非藉和尚為東道則一  
行之人立槁于蘇迷上何以能歸乎。香積之惠未鳴  
謝侍者。迺先書道及愧汗莫甚焉。玉詩佳勝。誦之身  
尚徜徉香山之巔也。石生岡生咸稱師德不已。來則  
致高意。僕疲甚。猶爾偃臥牀上。裁字歪斜。伏乞海恕。

又

賜書二。賜价一。共他適。不即奉答。深此負罪。人參一  
件。枉紆尊念。感荷何盡。岡家兒患痘者。實係席上二

生之弟。其父輿疾溫泉而不在家。以不佞鄰近。故其  
母及祖母深所相托。是以奉懇耳。渠已自辦。伏乞莫  
勞禪慮。又知學仙決意宗門。誠為欣然。予未諳釋氏  
道。則不知禪之與淨土。果何似也。但以之子有讀書  
智。太是希有。乃為貧窮罣碍。今視和尚猶父。而和尚  
視猶子。甚盛事也。仙乎。得其所哉。大氏少年子。多客  
氣浮思。和尚為其深慮。宜矣。意渠亦當體此慈心。永  
矢弗渝焉。嗚呼。前日拙誕席上。可謂濟濟。但皆近年  
相識。若論耐久。莫若和尚與吉生耳。當年紫芝社中。  
亦甚鬧熱。俯仰二十年。零落殆盡。唯和尚尚。然靈光。



可不相共慶抃乎。來月當隨例上香龍華。願便奉候萬惟面罄不一。

又

杳絕聞問者半月餘矣。風火惶遽間。轉奉想玄型。不容已已。遙知祇林寂靜地。必無此人間苦矣。接東迺謂俗子貪甘露味者。托爲拜年。錄續乎堂皇間。至今不絕也。嗟蟻羶猶爾所未免哉。念七之期。謹領命。昨兩乘時。人心以降。火其不起邪。林花其綻邪。黃鳥其嚶邪。庶乎吾曹咏歸日哉。預此念之日如年也。古詩所頻承見懇。敢不奉命。東壁一出。不歸者五日。不知

今曳裾何王門。歸則謹致餘寒尚冽。伏惟安寧。

又

正奉憶間朶雲飄至。破緘茲審座下道。候輕利方此溽暑。深足慶快。古人有云。九夏三伏。人之大厄。豈不畏乎。吉生室人幼弟。染病未起。渠已乏婢妾。獨以一身周旋其間。真是苦哉。誠可憫也。大潮書蒙轉致。荷荷。緘中有詩。誦之今靈一也。十二日屈指以俟。一日三秋。宛是九秋矣。且審書意。似不可必。轉增耿耿。不

乙

又



辱書承送致鄙印。謝謝。前者賜臨草堂。得奉謦欬。加之筆雨天花。鉢携香積。深足荒徑生色。尚何見謝之有。轉增懔懼耳。承十九日未克懸定來否。是自老上人白雲心期。要其出岫與棲洞。亦何妨也。若夫曳項之望。終不得愬然已。

又

夜雪未已。正擁爐作柳絮看。間忽接華翰。種種厚貺。紛如挾纊。感荷何盡。岳尼豚兒。均與霑惠。謝謝聞欲明日大張金石。以發瓊瑤之響。洵是奇會。豈不茲趨。祇恐道惡為之如何。萬容面謝。

又

昨叩祇林。享清淨味。未克展謝。乃承華緘。併惠美饅。與漿。辱寓慶祝。種種盛意。何以能報。不佞適歸自朝。藩邸俗羈若斯。如其山陰逸興。聞之增赧顏耳。困極草草布字。

又

頃聞上人躬董起造之役。不能持斗酒奉勞。迺承端价見訪。賜以香菰一籃。愧歉何已。敬此奉復。

與覺玄上人

微雨辭候。輒復溽暑。駸駸然來逼人也。久違慈半。未



審衣鉢上受用如何。僕近來憊甚。莫怪精廬前每苔  
無恙哉。陳者池水老人。章壘之技。日游刃落碌間。不  
啻綽綽然有餘地。而其蚪蚪龍鳳。嘉禾瑞芝。鼎篆鼓  
籥。金剪玉筋。種種妙境。森然悉備。辟則佛以大神通  
力。於一微塵中。現極樂國。報身如來。三十二相八十  
種好。端嚴殊勝。莫不具足。豈不作希有想乎。學士大  
夫。獲者誇人。緹巾十襲。何啻拱壁。是其增輝奎斗。藉  
美翰墨。厥功亦爲偉矣。僕久聆芳譽。百般營求。卒未  
有獲。嚮因和尚話間。頗及平生。乃知方外之契。久要  
有在。遂不自揣。煩以方便。和尚一時慨然。肩任大展。

鼎力不空所願。然後僕之喜可知矣。祇以爾後杳無  
消息。頗懷猜疑。因茲脩字。持此奉探。伏惟和尚待老  
人如維摩。老人事和尚如如來。則豈容維摩而能違  
如來法旨哉。且如僕久爲萬卷堆中一蠹蟲。詎能出  
於一切衆生之外也。則又知法慈所攝。必得圓滿已  
不罄。

真師與聖德上人

昨師還時。已黃昏矣。且雨甚。想道上泥深沒膝也。雖  
白足乎。能得無困哉。一時不戒。輻奉送。爲憾已。願夫  
一話十二時。頗傾吐中懷。十五年來。一快事也。空門



中守教相者。比諸吾儒經生斤斤乎語句間。是殆爲黃面老子簸弄。錯過一生。滔滔者天下皆是。師獨超乘而上之。可謂優曇矣。所賜筌。實係親製。古雅之至。真神仙之玩也。靈慧善巧。一至于此。是歟。吾知師之非人間人哉。是物是賚。將與偕終一生。感何可言。但簧脫處。煩尊手脩飾。謹附使致左右。廿三日。或屬師閒暇時。邪。正擬趨教也。請命之。倘或雨邪。則不能也。萬千炤鑒。

復英上人

金策泠泠。白雲無踪。靡常其攸。寔開士之行也。自不

聞上人之聲咳。而竊嗟靈幻之軌。不與世同趨。焉亦何憾之。心獨弗緩已。忽接玉簡。副以二品。伏審書意。足跡殆遍于天下矣。仙醴仙草。想當獲諸異人之贈也。乃推其餘。分霑野人。希有之福也。謝何能罄。時下積雨忽霽。白露將下。涼日爽颼。顛竢百納之翩然也。冀或容面悉。故不旣。

與大潮上人

不接慈型者。幾日邪。塵勞山積。忽賜淨品。噉之醍醐味哉。則不識煩惱爲何物焉。祇時吾之亡饋之空王門中。亦有陽虎手段乎。聞今日遙集秋桂之房。諸君



子大洗鴉離之舌。則知金粟一片地。化爲赤縣神州耳。雪後疾作。不能輒往。可羨可羨。疇昔游豫侯邸。大是風流人物。渠以子建自擬。思欲與應劉七子爲布衣交。其志可嘉矣。復欲一禮上人之足。俾不佞致意。開春十日。修齋奉待。上人能惠然臨之。而後其喜可知也。

又

方此風雪。正爾奉憶。詎知儼然忽在。只尺地矣。師果以魯寮行哉。又不知剡溪興能乘之者。師邪。抑將吾也哉。鄉者示及文篇。篇直與瓊瑤爭耀。滕六其愧歟。

祇不佞受讀。未能卒業。故不敢壁耳。石君善致意。不備。

又

師果行邪。不佞茂卿。以疾故不能就西臺之館。以盡殷勤之情矣。遂使嚮者草堂之會。一日千秋也。天乎。天乎。師業已能挾造化之秘哉。以此而涉岐嶒不毛之地。無人之境。魍魎所竄伏。虺蛇所封豕血牙。卒爾所值。豈無所謂神姦者乎。鬼妒而命之憎。千里霜露。師其慎之哉。杜德機哉。疇昔之夜。倏爾奉憶。潛然之悲。不能已已。里歌一闋。聊洩憤懣。附上菲儀。爲贖。



另具與江若水書奉托。過洛致之。渠居在洛西。飛鳥街。倘或不可識邪。渠好書。鬻書者頗能識之。嗚呼師乎行乎哉。情何窮已。

又

岐嶒之行。不佞故慮焉乎。爾師行之日。以至今日。未嘗不與石君與鼎道之也。今奉尺一讀之。師果病邪。然終以龍天之共捍衛。而師卒興乎。西冥之西。愈益遠矣哉。吾所瞻望。其亦與落日懸也。方秋之時。有風蓬蓬然。遠自千里之外。至焉者。豈非師之所乎。詎能不思哉。耀靈徂而月魄之始升也。師雖西冥之西乎。

能不翹首望而我之思哉。雖然亦渺渺乎太遠已。所賴者數行之字。孤行各天之涯。是而已矣。古人曰。千里比肩。何其無情之至於此極也。嗚呼師固無情矣。然以其無情而亾所繫鄉土。或能飄然乎東來。亦不可知哉。則不足憾焉耳。豫侯于河內。若水于洛。庶乎足以爲致書郵邪。卓上人東壁諸子。及不佞皆亾恙。亦皆憑不佞致意思。想師今尚在中路邪。風波之險。善自愛。餘不備。

又

石叔潭致上人書。茲知上人謁師海西。再停錫洛水。



上中間鉢盂不疚布帆無恙龍天能慰吾曹之心哉  
上人果能不披紅邪江若水報上人方淹講肆曇華  
貝葉亦開異葩歟意者游戲殆乎不可測已客歲復  
上人自洛書不知達否今秋觀瀾死上人筆鋒果毒  
似棒喝哉不佞劣劣亦病肺殆死上人婁以相如見  
比何其言之驗也然吾無文君此其所以不死邪每  
面豫侯口上人弗置君瑞學大進長博亾它草草

復獨麟禪師

護洲一別邈若河山每困風塵則輒北望悵然禪師  
趺坐諦觀乎仙臺之勝山色溪聲何等瀟洒乃不勝

天際真人想也良久憮然自失此自不佞痴想耳若  
禪師十二樓上境界豈又能憶東都紅埃中物邪殊  
不知作如是觀亦終不佞蠢想自絕乎禪師矣夏月  
保壽老師西游一宿草堂袖出禪師書拆封讀之始  
知禪師口不佞者狀又知禪師因不佞愛山人者狀  
更知禪師因山人愈益憶不佞者狀於是痴想蠢想  
百千全出天際之望何啻不勝之謂哉夫知山人者  
莫不佞若而知不佞者山人或爾來書曰禪師在勿  
慮山人爲嗚乎山人在伏乞禪師視猶不佞則幸甚  
獨憾仙臺十二樓之勝禪師與山人雙趺乎其際不



佞乃未免北望悵然乎千里外焉欲竢稍暇或托浴疾溫泉一訪瀟洒之境未知能了此段志願也否紙衣之賜謹領厚惠新刻二種附往之非報也怡首座一見後不復來臨承謝深慚聞今抱疾洛涑使人惋然辰下冷甚千萬自玉

又

明日廿日矣上人其必發也更要一晤末由也已詩三首奉贈及一首題畫附上曩者因香禪師乞詩而得睹公子畫雖然精妙亦不及此畫最工想必其得意筆也不佞妄意欲獲一幅不知上人能方便也否

上人出門後俗冗連日不能作一字答富春山下之人上人其致意風霜正繁伏惟自重不備

又

客歲惠手札兼致盤山君畫一幅讀之恍若從師金華山下游也書辭琅琅大爽人神思大忒世稱善知識者甚耆俚言段使其道甚高要之非世尊靈山時語矣超乘而上唯師爲爾可不敬服乎盤山君亦富貴中希有哉獲其一幅几案間頗覺傳色祇不畫塞上風致爲可恨爾不佞接書時適病尋已輒復罹祝融之崇緝蘆而處者垂半歲中間人世慶弔事與病



相仍。殆無虛日。迨秋。迺買宅城西。而後稍獲晏如耳。近作歌二章。欲以奉酌。復值牙痛。涉月無復筆硯意。是日少差。謹寫上。唯師亮之。富山人。以夏時飄然見過。因得悉師行履。聞師亦有西歸志。信不時下寒甚。伏惟起居輕利。不備。

復崎陽惠通禪師

昔者盧生。齋上人書至。值予它適。不復至。莫能識其處所。黃梁夢忽忽十年。亦惟崎陽三千里之外。遼遠哉。是以獲罪上人矣。明月亾恙。耿耿坐右。則亦耿耿。夢寐焉耳矣。不知崎陽志就緒不。八咏之篇。不佞竟

不能作也。今海師往。故往其答。一來一往。段使三千年。上人應作一刹那觀。豈怪之哉。不備。

復玄海上人

足下在崎。不堪寥寥之嘆矣。其游洛亦當爾。乃俯首從一上人者學也。是乃足下哉。彼上人者。謂不佞護法者邪。亦彼上人者意爾。若不佞法。且不知何況。護乎。承惠香爐筆墨紙。皆中華物。何以見愛之至此邪。劉生印。清人哉。乃欲得不佞一語。是易易耳。未審其人何號。伏乞教之。庶以便稱呼耳。不佞災後。黽勉過夏。七月始得還舊居。矮屋不堪秋暑。備甚。近日新涼。



少蘇已。不知足下何如。惟自愛。不備。頓首。

又

足下鄉在西山時。不佞既作雪山童子看。忽復在崎陽。從本禪師遊。豈乃善財童子邪。吾笑臨濟宗風益衰動。輒咄喝詩語。皆爾佛心著相久矣。承寄蕭鳴集。則知此老非尋常也。求不佞一語。儒者豈能增佛子光乎。足下釋氏文學論。覺稍退格。得無學教師語邪。雖然。進退自在。或躍在淵。足下波瀾益大哉。承飛雲之賜。多謝。不佞。以四月一日。召見殿中。豈讖邪。然不佞不欲青雲生脚下。不久將竅君於白雲鄉已。時暑。

酷自愛

徂徠集卷之三十

且來集

卷之三十

十六



杜徠集補遺

擬古樂府一首

長安有狹斜行

洛陽有曲巷。巷曲不容車。不知何年少。夾轂問君家。  
 君家誠易知。潭潭丞相府。門列十二戟。三千黃金弩。  
 坐客高堂上。堂下張華炬。大兒孔文舉。小兒楊德祖。  
 餘子莫與齒。濟濟才且武。暇日一高會。光輝生纓組。  
 美酒如淄澠。纖鱗飛落俎。宴酣清歌起。飄忽來風雨。  
 顧見雙員闕。去天只尺五。上有雙銅雀。落日照垂羽。  
 一鳴五谷生。周召莫敢伍。再鳴五谷熟。四海頌舜禹。



頌聲何嘈嘈。觀者集如堵。東廂發悲歌。西廂鳴鶴舞。中坐有狂生。起搯漁陽鼓。丞相且安坐。為樂良未遽。

七言律五首

獨不見

翡翠樓高古曲悲。誰家少婦碎蛾眉。鴛鴦被上寒偏早。鴻雁書中夜更疑。月斷關山獨不見。心何及長相思。停琴驚起催刀尺。正是秋風欲寄時。

再用前韻二首酬省吾見和

憐爾翩翩書劍第。即今毛髮共蒼然。吳門置酒多連夜。駒邨題詩似各天。流水尋常朱軫上。春雲咫尺錦

檄前忽聞新歲生。歸思轉覺窺人梁。月懸

風雲回首彈冠年。潘邨一時寧偶然。我在郢中誇倡

雪。君來稷下賞談天。樂書忽發功成後。剡棹猶淹興

盡前。竟是楚人無得失。請看春月似弓懸。聞其獻弓之後頗有

所虞聊以寬之

壽香國禪師七十時住仙臺大年寺

眉用禪師眉壽相。十霜已識白毫光。近將高臘游僊地。曾向大年開道場。縹緲祥雲忽北起。翩躚青鳥還西翔。遙應供到瀛洲外。交棗蟠桃滿鉢香。

失題



本期秋色鬪崔嵬。還映巖花綵筆開。饒有白雲同我  
趣。必無黃鳥侑君杯。春風駘蕩主人意。夏木紛豨上  
客才。今日盡歡須盡醉。人間動似隔蓬萊。

五言絕句三首

賦烟草應後臺命

金絲盛碧筩。非酒發微醺。却愛塵間客。口中忽吐雲。

失題

弘景山中住。尚通富貴家。白雲難可贈。代此以斯花。

失題

養花喜值霽。日日映朝霞。淺深不自辨。寄示愛花家。

七言絕句一首

得請罷授經

細席談經寵賜頻。罷來閒署臥青春。今時更異穆生  
日。玉醴雖甘勞殺人。

送敬阿上人還桂水

桂樹叢生桂水頭。白雲一去覓無由。年年相憶逢明  
月。將謂君家正此秋。

秋日訪蓮光寺

入寺松杉翠欲流。蟬聲美處步頻留。驅馳半日黃塵  
路。始信林丘別有秋。



奉和刑部子侯臺下瑤什三章

華堂詩酒開高會。夜捲朱簾河漢明。綵筆奪將雲錦色。還從織女問文星。

右星夕尊韻

淮南叢桂寄誰邊。我在嫦娥住處天。莫怪清香良夜發。燕山五子已挺然。

右中秋尊韻

公子清閒倚綺窗。陰堦佳木自雄風。那知病渴苦炎熱。賜我夏衣含露濃。

右偶興尊韻併謝恩賜

蔚宗歸自函谷君彝又將游作此爲送

昨夜晁郎採藥還。井郎今日又游山。山中芝艸知長短。玉筍流雲可重攀。

富士分夢句得士字

海外曾聞無富士。人間何識誰家子。千秋不老雪爲膚。說甚神仙長不死。

戲譯某搢紳富士和歌

月有中秋花有春。憑誰傳語洛陽人。芙蓉白雪三冬色。今日看山也及辰。

夏日刑部郎君席上應命



徂徠集補遺  
侯邸偏宜朱夏天。暑稀不厭日如年。詩書課罷纔回首。陰砌青槐午影圓。

徂徠集補遺

徂徠文集

嗣出

同書牘

嗣出

論語徵

嗣出

明四先生文範

嗣出

元文二年丁巳正月穀旦

書林

富士屋弥三右衛門  
大和屋孫兵衛

發行



陰砌青槐午影  
書林

大味呈紙共衛  
富士呈紙三石衛門

全十九  
全十九

永文二年丁巳五月癸丑

卯四夫主文筆  
關出

翰書齋  
關出

同善齋  
關出

卧村文集  
關出



Handwritten signatures and notes in black ink, including a large signature and smaller characters below it.



